



FAMILY DEVELOPMENT FUND

AMATEGEKO AGENGA FDF (Family Development Fund)

Twewe, Abanyamigabane ba FDF igamije guteza imbere abanyamigabane bayo, tumaze kubona ko FDF ari imwe mu nzira yafasha abayigize kugera ku iterambere, Twemeje ibi bikurikira:

ISHINGWA, IZINA, INTEGO

Ishingwa rya FDF

Abashyize umukono kuri aya Mategeko n'abandi bazayemera, dushinze FDF igengwa n'amategeko yanditse

Izina

Company imaze gushingwa yiswe FAMILY DEVELOPMENT FUND (FDF)

Intego

Kugira ngo FDF igere ku ntego yayo, nk'uko byemejwe n'inteko rusange, FDF izakora imirimo ikurikira:

- 1. Gushyira hamwe ubushobozi bwa buri muntu ngo bubyazwe inyungu*
- 2. Gushora amafaranga ahariho hose hashobora kuzana inyungu hemeranyijweho n' abanyamigabane*

KUBA, KUREKA KUBA UMUNYAMIGABANE NO KWIRUKANWA

Abanyamigabane

FDF igizwe n' abanyamigabane bayishinze n'abandi bazayinjiramo nyuma biyemeje gufatanya n'abandi no gukurikiza aya mategeko n'andi mategeko azemezwa agenga FDF muri rusange .

Kwemererwa kuba umunyamigabane

Kugira ngo umuntu yemererwe kuba umunyamigabane, agomba kuba yujuje ibi bikurikira:

- Kuba yaranditse asaba kuba umunyamigabane no kwemererwa n'Inama Rusange y' abanyamigabane.
- kugaragaza ko afite inyungu mu bikorwa bya FDF
- kudakora mu buryo buziguye cyangwa butaziguye ibikorwabibangamiye ibya FDF
- kuba yarishyuye umugabane we nk'uko aya mategeko yabiteganyije

Inshingano z'Umunyamigabane

Umunyamigabane wa FDF afite inshingano zo kubahiriza ibiteganywa n'amategeko yose agenga FDF, kubahiriza ibyemezo byose byafashwe n'inteko rusange hakurikijwe ibiteganywa n'amategeko no gushyigikira FDF mu bikorwa byayo byose by'ubukungu n'imibereho myiza.

Uburenganzira bw' umunyamigabane

Umunyamigabane wa FDF afite uburenganzira bukurikira:

- a)kujya mu nama z'inteko rusange, gutora no kugira uruhare mu gufata ibyemezo;
- b)gutora cyangwa gutorwa mu nzego za FDF,
- c)kumenya no kumenyeshwa uko umutungo n'imari bya FDF bihagaze;
- d)guhabwa inyungu igihe yatanze
- e)kugira uruhare mu bikorwa byose bya FDF
- f)kureka kuba umunyamigabane wa FDF no guhabwa ibyo amategako amwemerera;
- g)guhabwa ibyo amategako amwemerera igihe yirukanywe muri FDF

Gutakaza kuba umunyamigabane

1.Umuntu areka kuba umunyamigabane iyo habaye ibi bukurikira:

- a) gusezera kuba umunyamigabane.
- b) kwirukanwa mu buryo bukurikije amategako.
- c) Urupfu

Gusezera muri FDF

Ushaka gusezera muri FDF yandikira Inama y'Ubuyobozi ayimenyeshaho n'impamvu itumye asezera. Iyo Nama igeze icyemezo cy'uwo umunyamigabane mu Nama Rusange ikurikira.

Ihagarikwa ry' umunyamigabane by'agateganyo

Umunyamigabane wa FDF ashora guhagarikwa by'agateganyo kubera impamvu zikurikira:

- gukora imirimo ibangamiye inyungu cyangwa binyuranyije n'intego za FDF;
- kurenga ku nshingano nk' umunyamigabane.
- kutuzura cyangwa gutakaza kimwe mu bisabwa kugira ngo umuntu abe umunyamigabane.
- Kutitabira inama y'inteko rusange inshuro 3 zikurikirana.

Umunyamigabane asubirana uburenganzira bwe amaze kuzura ibyo yiyemeje n'inshingano ze. Iyo ibyo bitabaye, mu gihe kitarenze amezi atatu (3), Inama y'Ubuyobozi ifite uburenganzira bwo kumuhagarika mu gihe itegereje ko Inama Rusange ikurikira imwirukana.

Kwirukanwa muri FDF

Bisabwe n'Inama y'Ubuyobozi umunyamigabane ashobora kwirukanwa n'Inama Rusange bitewe n'imwe mu mpamvu zikurikira:

a) Guhamwa n'icyaha cyo kunyereza umutungo; kwiba, ruswa, ubuhemu, kwigana inyandiko cyangwa ibindi byose bijyanye n'uburiganya bihanwa n'amategako ya FDF

b) gukora imirimo ibangamiye inyungu cyangwa binyuranyije n'intego za FDF

c) kurenga ku nshingano nk' umunyamigabane;

d) kutuzuza cyangwa gutakaza kimwe mu bisabwa kugira ngo umuntu abe umunyamigabane.

Umunyamigabane ugiye kwirukanwa afite uburenganzira bwo gutanga ibisobanuro ku birego bamureze mbere y'uko Inama Rusange ifata icyemezo.

Icyemezo cyo kwirukana umunyamigabane, gifatwa n'Inama Rusange ku bwiganze bwa bitatu bya kane ($\frac{3}{4}$) by'amajwi y'abanyamigabane bitabiriye inama.

Umunyamigabane wafitiwe icyemezo cyo kwirukanwa n'inama rusange, abimenyeshwa mu nyandiko.

Ihererekanywa ry'imigabane

Imigabane ihererekanywa ku munsu wagenwe wo kugurisha imigabane ku babyifuza bikemezwa bigakorerwa inyandiko ihindura imigabane abanyamigabane ba FDF bafitemo.

Umunyamigabane ashobora guha cyangwa kugurisha umugabane umwe cyangwa myinshi undi munyamigabane ku bwumvikane bagiranye bikemezwa n'inteko rusange ku munsu wagenwe wo kugurisha imigabane.

Guha cyangwa kugurisha umugabane undi muntu utari umunyamigabane wa FDF, bigira agaciro ari uko, inteko rusange yabyemeye kandi ikamwakira nk'umunyamigabane mushya wujuje ibisabwa.

Uburenganzira bw' umunyamigabane wirukanwe n'usezeye

1. Buri munyamigabane usezeye cyangwa wirukanywe afite uburenganzira bwo gusubizwa mu gihe cyumvikanyweho imigabane ingana na 70% cyiyo afitemo icyakora iyo ayihaye undi ikomeza kuba 100%

Umurage w' umunyamigabane

Iyo umunyamigabane yitabye Imana azungurwa n'abazungura be hakurikijwe amategako ya Repubulika y'u Rwanda

Umugabane, ingano yawo n'ibiwuranga

1° Umugabane fatizo ugenwa n'inteko rusange.

Isoko y'umutungo wa FDF

Umutungo wa FDF ukomoka ku mafaranga 25000 frws atangwa na buri munyamigabane buri kwezi, n'andi yose yinjira mu isanduku ya FDF.

IMITERERE, INSHINGANO N'IMIKORERE Y'INZEGO.

Imiterere y'Inzego za FDF

FDF igizwe n'inzego zikurikira :

- ☐ Inteko Rusange;
- ☐ Inama y'Ubuyobozi;
- ☐ Commute ngenzuzi.
- ☐ Commute ishinze iterambere.

Inteko Rusange

Inteko Rusange ya FDF igizwe n'abanyamigabane bose.

Nirwo rwego rukuru rwa FDF rushyiraho kandi rukavanaho izindi nzego kandi ruhuriza hamwe abanyamigabane. Izindi nzego zose zihabwa ububasha nayo.

Inteko Rusange ifite ububasha busesuye kandi ifata ibyemezo bijyanye n'umurongo n'icyerekezo cy'ibikorwa bya FDF.

Uko Inteko rusange iterana

Inteko rusange iterana binyuze mu nama zisanzwe no mu nama zidasanzwe. Inama isanzwe iterana rimwe mu mwaka.

Gutangira gukurikizwa

Aya mategeko yemejwe n'Inama Rusange ya FDF yateraniye i,ku wa,kandi atangira gukurikizwa akimara kwemezwa.

Bikorewe i, ku wa

.....

Perezida wa FDF

ANDI MABWIRIZA AGENGA IMYIFATIRE N'IBIHANO KU MAKOSA (DISCIPLINE).

1.Mu rwego rwo gukora ishoramari, abanyamigabane bemeye kujya bahura buri wa gatandatu wanyuma w'ukwezi saa 18h30 z'umugoroba bagahurira ahantu hagenwe n'inama y'ubuyobozi kandi abanyamigabane bakamenyeshwa mbere. Iyi nama izaba igamije kungurana ibitekerezo ku mishinga ibyara inyungu.

Utazabyubahiriza azajya ahanwa mu buryo bukurikira:

- Umuntu usiba gatatu kugurikiranyije nta mpamvu yumvikana yatanze arirukanwa.
- Gusiba inama nta mpamvu bitangirwa amande ya 10000 frws
- Gukorerwa inama bitangirwa amande.

(umunyamigabane uje hagati ya 18h30 -19h00 nta bihano ahabwa)

(umunyamigabane uje hagati ya 19h00 -19h30 atanga 2000 frws)

(Umunyamigabane uje nyuma ya 19h30 atanga 5000 frws)

NB: Impamvu zemewe zatera gusiba NI:

- Uburwayi buherekejwe n'impapuro za muganga

- Ibyago

2.Kugirango FDF ikore ishoramari buri mu nyamigabane atanga amafaranga 25000 frws buri kwezi bitarenze tariki 10 z'ukwezi gukurikira iyo atabyubahirije ahanwa mu buryo bukurikira:

-Iyo arengeje tariki 10 z'ukwezi gukurikira atanga 5% y'inyongera.

-Iyo arengeje ukwezi atanga 5000 frws kandi akajya atanga n'andi 5000 frws buri kwezi kugiyeho.

3.Abantu batabasha kwitabira inama bitewe n'akazi (Abakorera kure kandi byemejwe n'inteko rusange) batanga amafaranga 25000 frws nkabandi buri kwezi bakarenzaho 2000 frws akaba 27000 frws